

Zgjatja e dorës për të marrë diçka përpara atij që është duke falur namaz

Islamqa.info

Pyetje: Në një rast, unë zgjata dorën për të marrë diçka në një tavolinë që gjendej përpara dikujt që po falte namaz. A ia kam prishur namazin?

Përgjigje:

Lavdi Allahut.

Ajo çfarë është e ndalur është të ecësh përpara dikujt që është duke falur namaz, siç na njoftoi pejgamberi ﷺ:

“Nëse ndokush prej jush fal namaz në drejtim të një objekti që qëndron mes tij dhe njerëzve dhe dikush synon të kalojë përpara tij, le ta shtyjë me dorë; nëse ai ngulmon të kalojë, le ta kundërshtojë, se i tilli është një shejtan.” (el-Buhari 509, Muslim 505)

Veprimi yt (i zgjatjes së dorës) nuk konsiderohet si kalim përpara dikujt që është duke falur namaz. Kjo s’është asgjë më shumë sesa vendosje e një pjese të trupit përpara atij që është duke falur namaz. Aisha ؓ i zgjaste këmbët përpara të Dërguarit të Allahut ﷺ ndërsa ai falte namaz dhe ajo flinte, dhe kjo nuk konsiderohej ta prishte namazin e tij. Është përcjellë nga Aisha ؓ, bashkëshortja e pejgamberit ﷺ se tha:

“Po flija gjumë përpara të Dërguarit të Allahut ﷺ ndërsa këmbët e mia ishin të shtrira përpara tij, kur ai ishte i kthyer nga kibla. Kur ai bënte sexhde, më shtynte paksa dhe unë i tërhiqja këmbët; kur ai ngrihej në këmbë, unë i shtrija këmbët prapë. Asokohe nuk kishim llamba në shtëpitë tona.” (el-Buhari 382, Muslim 512)

Shejh Muhamed ibn Utthejmin tha duke e komentuar këtë hadith:

“Pra, ka dallim mes kalimit përpara dikujt dhe të ndenjurit shtrirë përpara dikujt. Nëse një grua rri shtrirë përpara dikujt që është duke falur namaz, kjo nuk prish namazin.” (*esh-Sherh el-Mumti* 3/205)

Shejh Abdul-Aziz ibn Baz u pyet: “Nganjëherë, ndërsa unë fal namaz *nafile*, ndodh që ndonjë person në të djathtëm time t’ia zgjasë dorën tjetrit që gjendet në të majtën time. A e prish kjo namazin?”

Ai u përgjigj: “Kjo s’prish punë, përderisa dikush të mos kalojë (i tëri) përpara. Pra, nëse njëri i zgjatë dorën tjetrit dhe tjetri po ashtu zgjat dorën (përpara dikujt që është duke falur namaz), nuk prish punë.” (*Fetawaa Nur ala ed-Derb* 9/348)